



Comunicado di Prensa

10 di februari 2023

CAft: "Haci uzo di recuperacion na probecho di un economia resistente"

Oranjestad – Recuperacion di economia Arubiano ta sigui. Den 2022 economia a crece cu 12 por ciento, segun e ultimo calculonan di Fondo Monetario Internacional (IMF). Pa 2023 ta spera un crecimiento di 5 por ciento. Door di, entre otro, e recuperacion economico fuerte aki y e medidanan fiscal anuncia, ta spera un surplus presupuestario di 1 por ciento di e producto interno bruto (PIB) na 2023. Esaki ta un cambio positivo, considerando e impacto di e crisis di pandemia durante e ultimo añanan. Importante ta pa Aruba probecha di e impulso aki pa reduci e debe publico di AWG 5.700 miyon na un nivel sostenibel. Pa logra esey Aruba mester spaar extra banda di aumenta entrada y cobertura incidental. Reforma structural di cuida di salud y seguridad social ta percursa pa mas resiliencia. CAft a pidi atencion pa esaki durante su bishita na Aruba dia 9 y 10 di februari 2023.

Traha pa yega na economia resiliente

Aunke economia di Aruba ta recuperando fuertemente y ta spera un surplus di 1 por ciento di e PIB na 2023, preocupacion pa futuro ta sigui vigente. Debe pa cada residente di Aruba ta mas o menos AWG 55.000. E generacionnan futuro ta horca cu debe halto. P'esey, ta importante pa Aruba tuma paso pa logra finansa publico sostenibel. Presupuesto di 2023 ta cumpli cu e norma presupuestario y esey ta un prome paso den bon direccion. Pero, pa mantene e tendencia aki y logra surplus mas halto den e añanan binidero, mester medida adicional. Importante ta pa Aruba spaar structuralmente mas, na 2023 caba, y no warda te na 2024 pa haci esey, manera ta propone den e presupuesto. E Pakete di Medida (Landspakket) ta sirbi como guia pa esaki, manera aumento di habilidad di entidad gubernamental, manera Serlimar y Arubus N.V., pa mantene nan mes financieramente.

Impuesto

Entrada fiscal di Aruba por subi significativamente, si mehora cumplimiento fiscal. CAft ta recomenda pa tuma medida diligentemente al respecto. No solamente ta contribui na mehoracion di finansa publico, sino tambe na distribucion mas balansa di presion fiscal. Den e contexto ey CAft ta recomenda pa reconsidera introduccion di impuesto riba tip. Den liña cu e obhetivonan di e Pakete di Medida, Aruba ta trahando pa simplifica e sistema fiscal. Pa logra un surplus di por lo menos 1 por ciento di e PIB den 2023, mester cuminsa e proceso legislativo pa cobra impuesto riba volumen di benta (BBO) na frontera mas pronto posibel. Tambe, den liña cu recomendacion anterior di IMF, CAft ta anima Aruba pa simplifica e sistema di impuesto indirecto y sigui cu introduccion di impuesto riba balor añadi (iba), manera a anuncia anteriormente.

Inversion

Pa haci economia mas resiliente y pa aumenta su capacidad pa genera entrada, ta necesario pa inverti. E suma presupuesta pa inversion den 2023, di AWG 20 miyon, ta demasiado abou. Inversion specifico den, por ehempel, infraestructura y proyecto di mitigacion y adaptacion na cambio climatico, ta contribui na crecimiento economico sostenibel. CAft ta anima Aruba pa elabora un plan di inversion plurianual.

**Cuido di salud y seguridad social**

Aruba a tuma varios medida caba pa mehora e situacion financiero di e sistema social, manera reduci gasto di e lista positivo. En cambio, door di desaroyo demografico, gasto den cuidado y den pensioen di behes lo aumenta mas lihe cu entrada y, si no cambia e maneho, pronto lo tin deficit. Pues, mester mira economisacion den cuidado y seguridad social den e perspectiva plurianual aki. Ta necesario pa tuma medida awor pa garantiza cu e sistema social ta pagabel pa e generacionan futuro tambe. Den e contexto ey CAft ta anima Aruba pa yega na calculacion plurianual bon funda pa desaroyo di gasto den cuidado di salud.

Entrante dia 1e. di februari 2023 a nombra Señora Lidewijde Ongerling presidente di Colegio di supervision financiero di Aruba (CAft), Colegio di supervision financiero di Corsou y Sint Maarten (Cft), y Colegio di supervision financiero di Boneiro, Saba y Sint Eustatius (Cft). CAft a bishita Aruba dia 9 y 10 di februari y a hiba combersacion cu Gobernador, Minister di Finansa y Cultura, Minister di Turismo y Salud Publico, Minister di Transporte, Integridad, Naturalesa y Asunto di Hende Grandi, Consejo di Minister y Parlamento. Banda di esey, CAft a combersa tambe cu directiva di Aruba Trade & Industry Association (ATIA).

[Fin di e Comunicado di Prensa]

Fotografo:

Eric Boeldak

Texto na potret:

Presupuesto di 2023 di Aruba ta cumpli cu e norma presupuestario y esey ta un prome paso den bon direccion.

Nota pa redaccion – no pa publicacionPersona di contacto na Cft:

Secretariado di Colegio di supervision financiero di Aruba
Ray Thuis - Secretario
Telefon +5999 461-9081 / +5999 461-9082 / +5999 461-9084
Email info@cft.cw
Website www.cft.cw

Persona di contacto cu Prensa:

Jefka Alberto
Telefon +5999 512-6861